

**Borislav Bojić**

*Pitanje postavljeno Vijeću ministara BiH i Upravi za indirektno oporezivanje BiH:* „Ja bih zamolio da mi se da odgovor u vezi s problemima na koje nailaze izvoznici na graničnim prijelazima, s obzirom da je sa strane Bosne i Hercegovine za prijelaz, npr. materijala koji su tzv. opasni materijali ili eksplozivi, predviđen granični prijelaz u Gradišci. S naše strane, Ministarstvo sigurnosti BiH dalo je nalog za taj granični prijelaz, odnosno da se za te robe koristi granični prijelaz u Jasenovcu. Međutim, s druge strane, u Hrvatskoj ne postoji takva vrsta odluke. Što znači da to nije usklađeno sa susjednom državom, tako da naš izvoznik iz Prijedora, npr., mora ići na Izačić radi carinjenja te robe pošto je to usklađeno na tom graničnom prijelazu. Objektivno postoji i drugi niz graničnih prijelaza na kojima imamo problem gdje se, s jedne strane, u Bosni i Hercegovini na graničnom prijelazu carine robe naših izvoznika. Praktično bi jedino plovnom putem niz Savu mogli preći na drugu stranu, jer se s druge strane takva vrsta robe ne carini. Dakle, Ministarstvo sigurnosti BiH i drugi nadležni u Vijeću ministara BiH, Upravi za indirektno oporezivanje su oni koje pitam o usklađenosti carinskih prijelaza radi carinjenja robe s jedne i druge strane, posebno kada je u pitanju Hrvatska.“